




Jumat, 26 Juni 2023
Ogen: Ruth 1:20-21



Kiniseran Si Pagit



Jesus reh ku doni enda guna mbebaskan kalak si tertaban. Keteretabanen erbahanca mesera kita maju ras ngaloken perkembangan si mehuli. Ketertabanen e jine erbanca maka kiniseran turah, kiniseran si pagit. Sekali jadi lit sekalak pernanden paruh baya, paksana kepaten. I bas berngi bagi semalna ilakoken erjaga-jaga, ikut je sangkep geluh ras perpulungen erbahan kata apul-apul. Kenca dung dahin gereja e, lit sekalak pernanden ngerana man sikepaten e ndai, nina "*adi nggo mate bapa si anu e, ulanai ban megara lipstikndu ya.*" Sinik saja janah ngandung me pernanden ndai ngaloken ranan temanna e. Si jadi penungkunen, pas kin nge perkatan si bage si belasken asum kalak sanga er-aru ate? Uga nge pandangan jelma si enterem e nandangi kalak si mbalu, kepaten perbulanngen, ntah kepaten anak? I bas kejadiin e, dosana nge maka ia mbalu, janah nusur nge erga dirinta adi mbalu?

Ruth ras Naomi mbalu. Naomi kalak Israel si mengongsi ku Moab ban lit i je kelihen. Berkat ia ku je ras perbulangen ras anak-anakna guna nerusken kegeluhen. La ise pe ngarap maka i bas piga-piga tahun ngenca erta ras perbulangen ikut pe anak-anakna si dilaki mate. Seh maka lanai ia nggit igelari Naomi. Tapi gelar Naomi tetap isingetken i bas pustaka si Badia, gelarna ras permainna Ruth me jadi sinursur kerna raja si mbelin e me Daud. I bas manusia banci jadi la meherga, tapi i bas Tuhan kerina jelma meherga. Kalak mbalu labo salah, labo dosa. Ola peseri kalak mbalu ras pengganggu rumah tangga kalak si deban. Kalak kepaten labo perbahan dosana, tapi bage peraten Tuhan si arus igengkenna, ia terluka. Kita selaku kalak Kristen mari jadi pembebas. Ula si bahan 'stigma' si negative nandangi kalak si paksana kemalangen. Peturahlah ate mekuah man kalak si kena mara. Cidahkenlah ukur kepaten man kalak si kesusahen, sabap banci jadi kiniseranna si pagit ipake Tuhan guna nuduhkan tanda kuasanya.